

七十二家集

陸平原集目錄

卷之一

賦

文賦

遂志賦

祖德賦

述先賦

思親賦

別賦

懷土賦

思歸賦

行思賦

感時賦

歎逝賦

悠思賦

述思賦

大暮賦

感丘賦

又

卷之二

賦

列僊賦

凌霄賦

幽人賦

應嘉賦

豪士賦

浮雲賦

白雲賦

鼓吹賦

漏刻賦

羽扇賦

桑賦

辰賦

鰲賦

卷之三

樂府

短歌行

秋胡行

隴西行

日出東南隅行

挽歌三首

長歌行

君子行

從軍行

苦寒行

豫章行

長安有狹邪行

塘上行

折楊柳行

飲馬長城窟行

門有車馬客行

櫂歌行

太山吟

梁甫吟

東武吟行

斑婕妤

駕言出北闕行

君子有所思行

悲哉行

齊謳行

吳趨行

前緩聲歌

吳趨行

飲酒樂

董桃行

上留田行

飲酒樂

燕歌行

猛虎行

鞠歌行

順東西門

日重光行

月重輪行

百年歌十首

卷之四

詩

皇太子宴玄圃宣猷堂有令賦詩

皇太子賜讌詩

贈馮文熊遷斥丘令

八章

答賈謐

十一
章有序

潘岳爲賈謐作贈陸機十一
章附

贈第士龍

十章
有序

贈潘尼

潘尼答陸士衡附

答潘尼

潘尼贈陸機出爲吳王郎中令附

贈馮文罽

於承明作典第士龍

贈第士龍

贈尚書郎顧彥先二首

贈顧交趾公貞

答張士然

贈從兄車騎

爲顧彥先贈婦二首

爲陸思遠婦作

爲周夫人贈車騎

祖道畢雍孫劉邊仲潘正叙

赴洛二首

赴洛道中作二首

吳王郎中時從梁陳作

擬行行重行行

擬今日良宴會

擬迢迢牽牛星

擬涉江采芙蓉

擬青青河畔草

擬明月何皎皎

擬蘭若生朝陽

擬青青陵上栢

擬東城一何高

擬西北有高樓

擬庭中有奇樹

擬明月皎夜光

招詩

遨遊出西城

園葵詩二首

贈波丘令馮文羆

贈顧彥先

贈紀士

贈潘正叔

招隱二首

尸鄉亭

三月三日

春詠

詠老

講漢書詩

秋詠

失題二首

卷之五

表

謝平原內史表

薦賀循郭訥表

見原後謝表

薦張暢表

牋

與趙王倫薦戴淵牋

同前

至洛與成都王穎牋

書

與弟雲書四首

七

七徵

連珠

演連珠五十首

卷之六

論

五等諸侯論

辨亡論上

辨亡論下

議

大田議

卷之七

頌

漢高祖功臣頌

贊

孔子贊

王子喬贊

箴

丞相箴

策文

策秀才文六首

紀瞻對策六首附

傳

顧譚傳

卷之八

碑

晉平西將軍孝侯周處碑

誄

吳大帝誄

愍懷太子誄

吳大司馬陸公誄

吳貞獻處士陸君誄

弔文

陸平原集

卷 目錄

弔魏武帝文

弔蔡邕文

哀辭

吳大司馬陸公少女哀辭

附錄

陸機傳

唐太宗

酬皮襲美

唐陸龜蒙

陸平原宅

宋唐 詢

陸平原宅

宋王安石

崑山

宋王安石

遺事

集評

糾謬

晉劉處士參妻王氏夫人誄

陸平原集

卷

目錄

十一

陸平原集卷之一

晉吳郡陸機士衡著

明閩漳張燮紹和纂

賦

文賦

有序

余每觀才士之所作竊有以得其用心夫其放
言遣辭良多變矣妍蚩好惡可得而言每自屬
文尤見其情恒患意不稱物文不逮意蓋非知
之難能之難也故作文賦以述先世之盛藻因

論作文之利害所由他日殆可謂曲盡其妙至
於操斧伐柯雖取則不遠若夫隨手之變良難
以辭逮蓋所能言者具於此云爾

佇中區以玄覽願情志於典墳遵四時以歎逝
瞻萬物而思紛悲落葉於勁秋喜柔條於芳春
心懔懔以懷霜志耿耿而臨雲詠世德之峻烈
誦先人之清芳游文章之林府嘉麗藻之彬彬
慨投篇而援筆聊宣之乎斯文其始也皆收視
反聽耽思傍訊精驚八極心遊萬仞其致也情

瞳矐而彌鮮物昭晰而互進傾羣言之瀝液漱
六藝之芳潤浮天淵以安流濯下泉而潛浸於
是沈辭佛悅若游魚銜鉤而出重淵之深浮藻
聯翩若翰鳥纓繳而墜層雲之峻收百世之闕
文採千載之遺韻謝朝葉於已披啓夕秀於未
振觀古今於須臾撫四海於一瞬然後選義按
部考辭就班抱景者咸叩懷響者畢彈或因枝
以振葉或沿波以討源或本隱以之顯或求易
而得難或虎變而獸擾或龍見而鳥瀾或妥帖

而易施或咀晤而不安靡澄心以凝思眇衆慮
而爲言籠天地於形內控萬物於筆端始踟躕
於燥吻終流離於濡翰理扶質以立幹文垂條
而結繁信情貌之不差故每變而在顏思涉樂
其必笑方言哀而已歎或操觚以率爾或含毫
而邈然伊茲事之可樂固聖賢之所欽誤虛無
以責有叩寂寞而求音函絲邈於尺素吐滂沛
乎寸心言恢之而彌廣忠按之而逾深播芳蕤
之複複發青條之森森粲風飛而飈豎鬱雲起

乎翰林體有萬殊物無一量紛紜揮霍形難爲
狀辭程才以效伎意司契而爲匠在有無而僊
俛當淺深而不讓雖離方而趣圓期窮形而盡
相故夫誇目者尚奢慙心者貴當言窮者無隘
論達者唯曠詩緣情而綺靡賦體物而瀏亮碑
披文以相質誄纏絲而悽愴銘博約而溫潤箴
頓挫而清壯頌優游以彬蔚論精微而朗暢奏
平徹以閑雅說煒燁而譎譎雖區分之在茲亦
禁邪而制放要辭達而理舉故無取乎冗長其

爲物也多姿其爲體也屢遷其會意也尚巧其
造言也貴妍暨音聲之迭代若五色之相宣雖
逝止之無常固崎錡之難便苟達變而識次猶
開流以納泉如失機而後會常操末以續巔謬
玄黃之秩叙故泙浚而不鮮或仰逼於先條或
俯侵於後章或辭害而理比或言順而義妨離
之則雙美合之則兩傷考殷最於錙銖定去留
於毫芒苟銓衡之所裁固應繩其必當或文繁
理富而意不指適極無兩致盡不可益立片言

而居要乃一篇之警策雖衆辭之有條必待茲而效績亮功多而累寡故取足而不易或藻思綺合清麗芊眠炳若縵繡悽若繁絃必所擬之不殊乃暗合乎曩篇雖杼軸於予懷怵他人之我先苟傷廉而愆義亦雖愛而必捐或若發穎監離衆絕致形不可逐響難爲係塊孤立而特峙非常音之所緯心牢落而無偶意徘徊而不能掃石韞玉而山暉水懷珠而川媚彼榛楛之勿翦亦蒙榮於集翠綴下里於白雪吾亦濟夫

所偉或託言於短韻對窮迹而孤興俯寂寞而
無友仰寥廓而莫承譬偏絃之獨張含清唱而
靡應或寄辭於瘁音言徒靡而弗華混妍蚩而
成體累良質而爲暇象下管之偏疾故雖應而
不和或遺理以存異徒尋虛以逐微言寡情而
鮮愛辭浮漂而不歸猶絃么而徽急故雖和而
不悲或犇放以諧合務嘈囋而妖冶徒悅目而
偶俗固聲高而曲下寤防露與葉間又雖悲而
不雅或清虛以婉約每除煩而去濫闕大羹之

遺味同朱絃之清汜雖一唱而三嘆固旣雅而
不豔若夫豐約之裁俯仰之形因宜適變曲有
微情或言拙而喻巧或理朴而詞輕或襲故而
彌新或沿濁而更清或覽之而必察或研之而
後精譬猶舞者赴節以投袂歌者應絃而遣聲
是蓋輪扁所不得言故亦非華說之所能猜普
辭條與文律良余膺之所服練世情之常尤識
前脩之所淑雖濬發於巧心或受嗤於拙目彼
璫數與玉藻若中原之有菽同橐籥之罔窮與

天地乎並育雖紛藹於此世嗟不盈於予掬思
挈統之屢空病昌言之難屬故蹠蹠於短韻放
庸音以足曲恒遺恨以終篇豈懷盈而自足懼
蒙塵於叩缶顧取笑乎鳴玉若夫感應之會通
塞之紀來不可遏去不可止藏若景滅行猶響
起方天機之駿利夫何紛而不理思風發於胃
臆言泉流於唇齒紛歲蕤以駁還唯毫素之所
擬文徽徽以溢目音泠泠以盈耳及其六情底
滯志往神留兀若枯木豁若涸流攬營魂以探

黷頓精爽而自求理翳翳而愈伏思軋軋其若
拙是以或竭情而多悔或率意而寡尤雖茲物
之在我非余力之所勦故時撫空懷而自惋吾
未識夫開塞之所由也伊茲文之爲用固衆理
之所因恢萬里使無閼通億載而爲津俯貽則
於來葉仰觀象於古人濟文武於將墜宣風聲
於不泯塗無遠而不彌理無微而弗綸配霑潤
於雲雨象變化乎鬼神被金石而德廣流管絃
而日新

遂志賦 有序

昔崔篆作詩以明道述志而馮衍又作顯志賦
班固作幽通賦皆相依倣焉張衡思玄蔡邕玄
表張叔哀系此前世之可得言者也崔氏簡而
有情顯志壯而泛濫哀系俗而時靡玄表雅而
微素思玄精練而和惠欲麗前人而優游清典
漏幽通矣班生彬彬切而不綬哀而不然矣崔
蔡冲虛溫敏雅之屬也衍抑揚頓挫怨之徒也
豈亦窮達異事而聲爲情變乎余備托作者之

末聊復用心焉

武定鼎於洛汭胡受瑞於汝墳繇鳴鳳於百祀
啓敬伸乎方震苟天光之所照豈舜族其必陳
厭禋祀於故墟饗禴祭於東鄰禰八葉而松茂
舞九韶乎降神系姜叟於海曲表滄流於遠震
仰前蹤之繇邈豈孤人之能冒匪世祿之敢懷
傷茲堂之不構理或睽而後合道有夷而弗順
傳棲崑而神交伊荷鼎以自進蕭綢繆於豐沛
故攀龍而先躍陳頓委於楚魏亦凌霄以自濯

伍被刑而伏劍魏和戎而擁樂彼殊塗而並致
此同川而徧溺禍無景而易逢福有時而難學
惟萬物之運動雖紛糾而相襲隨性類以曲成
故圓行而方立要信心而委命援前修以自程
擬遺跡於成軌詠新曲於故聲任窮達以逝止
亦進仕而退耕庶斯言之不渝抱耿介以成名

祖德賦

咨時文之懿祖膺降神之靈曜棲九德以弘道
振風烈以增劭彼劉公之矯矯固雲綱之逸禽
旣憑形以傲物諒傳翼而棲林伊我公之秀武
思無幽而弗昶形鮮烈於懷霜澤溫惠乎挾纊
收希世之洪捷固山谷而爲量西夏坦其無塵
帝命赫而大壯登具瞻於太階濯長纓乎天漢
解戎衣以高揖正端冕而大觀戢靈武於旣曜
恢時文於未煥騰絕風以逸驚庶遐蹤於公旦

述先賦

仰先后之顯烈懿暉祚之允幃應遠期於已曠
昭前光於未戢抱朗節以遐慕振竒迹而峻立
在虛臣之貪禍據西山而作違招長轂於河畔
飲冀馬乎江湄頓雲綱而潛泳揮神戈而外臨
敵罔隆而弗夷逆無微而不禽茂德韡其旣休
元勲曄而存舉龍袞服於太階配三台乎其所
是故其生也榮雖萬物咸被其仁其亡也哀雖
天網猶失其綱嬰國命以逝止亮身沒而吳亡

思親賦

悲葉梓之悠曠愧蒸嘗之弗營指南雲以寄款
望歸風而効誠年歲俄其聿暮明星爛而將清
迴飈蕭以長赴零雪紛其下積羹織枝之在榦
悼落葉之去枝存顧復之遺志感明發之所懷
居辭安而厭苦養引約而堆豐忘天命之晚暮
願鞠子之速融兄瓊芳而蕙茂弟蘭發而玉暉
感瑰姿之晚就痛慈景之先違天步悠長人道
短矣異途同歸無早晚矣

別賦

伊公子之可懷悲永別之局期悼同居之無樂
曾不踰乎一芥經春秋之寒暑常戚戚而不怡
登九層而脩觀超臨遠以相思

懷土賦

有序

余去家漸久懷土彌篤方思之殷何物不感曲
街委巷罔不興詠水泉草木咸足悲焉故述斯
賦

昔故都之沃衍適新邑之丘墟遵黃川以葺宇
被蒼林而卜居悼孤生之已晏恨親沒之何速
排虛房而永念想遺塵其如玉眇縣邈而莫覲
徒佇立其焉屬感亡景於存沒慨隕年於拱木
悲顧盼而有餘思俯仰而自足留茲情於江介

寄瘁貌於河曲玩通川以悠想撫征轡而躑躅
伊命駕之徒勤慘歸途之良難愍棲鳥於南枝
吊離禽於別山念庭樹以悟懷憶路草以解顏
甘董茶於飴苾締蕭艾其如蘭神何寢而不夢
形何興而不言

思歸賦

有序

余以元康六年冬取急歸而王師外征職典中
兵與聞軍政懼兵革未息宿願有違懷歸之思
憤而成篇

節運代序四時相推寒風肅殺白露霑衣嗟行
邁之彌留感時逝而懷悲彼離思之在人恒戚
戚而無歡悲緣情以自誘憂躅物而生端晝輟
食而發憤宵假寐而興言爰歸鴻以矯首招谷
風而如蘭歲靡靡而薄暮心悠悠而增楚風罪

罪而入室響冷冷而愁予旣遨遊乎川汴亦改
駕乎山林伊我思之沉鬱愴感物而增深歎隨
風而上逝涕承纓而下尋冀王事之暇豫庶歸
寧之有時候涼風而警策指孟冬而爲期願靈
暉之促景恒立表以望之

行思賦

背洛浦之遙遙浮廣川之齋齋遵河曲以悠遠
觀通流之所曾啓石門而東縈汾汴渠其如帶
託飄風之習習冒沉雲之藹藹商秋肅其發節
玄雲霈而垂陰涼風淒其薄體零雨鬱而下淫
覩川禽之遵渚看山鳥之歸林揮清波以濯羽
翳綠葉而弄音行彌久而情勞途愈近而思深
美品物以獨感悲綢繆而在心嗟逝官之永久
年荏苒而歷茲越河山而託景眇四載而遠期

孰歸寧之弗樂獨抱感而弗怡

感時賦

悲夫冬之爲氣亦何惜慄以蕭索天悠悠其彌
高霧鬱鬱而四幕夜緜邈其難終日晡晚而易
落敷層雲之葳蕤墜零雪之揮霍冰冽冽而寢
興風謾謾而妄作鳴枯條之泠泠飛落葉之漠
漠山崕嶠以含瘁川蛟蛇而抱涸望八極以矚
漭普宇宙而寥廓伊天時之方慘曷萬物之能
歡魚微微而求偶獸岳岳而相攢猿長嘯於林
杪鳥高鳴於雲端矧余情之含瘁恒覩物而增

酸歷四時之迭感悲此歲之已寒撫傷懷以鳴咽望永路而汎濶

歎逝賦 有序

昔每聞長老追計平生同時親故或彫落已盡
或僅有存者余年方四十而懿親戚屬亡多存
寡暱交密友亦不半在或所曾共遊一塗同宴
一室十年之內索然已盡以是思哀哀可知矣
乃爲賦曰

伊天地之運流紛升降而相襲日望空以駿驅
節循虛而警立嗟人生之短期孰長年之能執
時飄忽其不再老睨晚其將及懟瓊藥之無徵

恨朝霞之難挹望賜谷以企予惜此景之屢戢
悲夫川閱水以成川水滔滔而日度世閱人而
爲世人冉冉而行暮人何世而弗新世何人之
能故野每春其必華草無朝而遺露經終古而
常然率品物其如素譬日及之在條恒雖盡而
不悟雖不悟而可悲心惆焉而自傷亮造化之
若茲吾安取夫久長痛靈根之夙殞怨其爾之
多喪悼堂構之頽瘁愍城闕之丘荒親彌懿其
已逝交何戚而不亡咨余命之方殆何視天之

茫茫傷懷悽其多念戚貌瘁而鮮歡幽情發而
成緒滯思叩而興端慘此世之無樂詠在昔而
爲言居充堂而衍宇行連駕而比軒彌年時其
詎幾夫何往而不殘或冥邈而旣盡或寥廓而
僅半信松茂而栢悅嗟芝焚而蕙歎苟性命之
弗殊豈同波而異瀾瞻前軌之旣覆知此路之
良難啓四體而深悼懼茲形之將然弄娛情之
寡方怨感目之多顏諒多顏之感目神何適而
獲怡尋平生於響像覽前物而懷之步寒林以

悽惻翫春翹而有思觸萬物以生悲歎同節而
異時年彌往而念廣塗薄暮而意迤親落落而
日稀友靡靡而愈索顧舊要於遺存得十一於
千百樂隕心其如忘哀緣情而來宅託末契於
後生余將老而爲客然後弭節安懷妙思天造
精浮神淪忽在世表寤大暮之同寐何矜晚以
怨早指彼日之方除豈茲情之足攪感秋華於
衰木瘁零露於豐草在殷憂而弗違夫何云乎
識道將顧天地之大德遺聖人之洪寶解心累

於末迹聊優游以娛老

愍思賦

有序

予屢抱孔懷之痛而奄復喪同生娣銜恤哀傷
一載之間而喪制便過故作此賦以紓慘惻之
感

時方至其倏忽歲旣去其晚晚樂來日之有繼
傷頽年之莫纂覽萬物以澄念怨伯娣之已遠
尋遺塵之思長瞻日月之何短升降乎階際顧
盼兮屏營雲承宇兮藹藹風入室兮冷冷僕從
爲我悲孤鳥爲我鳴

述思賦

情易感於已攬思難戢於未忘嗟伊思之且爾
夫何往而弗臧駭中心於同氣分戚貌於異方
寒鳥悲而饒音衰林愁而寡色嗟余情之屢傷
負大悲之無力苟彼塗之信險恐此日之行是
亮相見之幾何又離居而別域觀尺景以傷悲
撫寸心而悽惻

大暮賦

有序

夫死生是得失之大者故樂莫甚焉哀莫深焉
使死而有知乎安知其不如生如遂無知耶又
何生之足戀故極言其哀而終之以達庶以開
夫近俗云

夫何天地之遼濶而人生之不可久長日引月
而並隕時維歲而俱喪知自壯而得老體自老
而得亡顧黃墟之杳杳悲泉路之翳翳挫千乘
猶一毫當何數乎智慧徒假願於須臾指夕景

而爲誓忽呼吸而不振奄神徂而形斃顧萬物
而遺恨收百慮而長逝於是六親雲起姻族如
林爭塗淹淚望門舉音敷帷席以悠想陳備物
而虞靈仰寥廓而無見俯寂寞而無聲肴饌饒
其不毀酒湛湛而每盈屯送客於山足伏珽道
而哭之扃幽戶以大畢訴玄闕而長辭歸無塗
兮往不反年彌去兮逝彌遠彌遠兮日隔無塗
兮曷因庭樹兮葉落暮草兮根陳

感丘賦

泛輕舟於西川背京室而電飛遵伊洛之坻渚
沿黃河之曲湄觀墟墓於山梁託崇山以自綏
見兆域之藹藹羅魁封之纍纍於是徘徊洛涯
弭節河干佇盼留心慨爾遺歎仰終古以遠念
窮萬緒乎其端伊人生之寄世猶水草乎山河
應甄陶以歲改順通川而日過爾乃申舟人以
遂往橫大川而有悲傷年命之倏忽怨天步之
不幾雖履信而思順曾何足以保茲普天壤其

弗免寧吾人之所辭願靈根之晚墜指歲暮而
爲期

又

生矜跡於當世死同宅乎一丘翳形骸以下淪
兮漂營魂而上浮隨陰陽以融冶託山原以爲
疇妍媸混而爲一孰云識其所脩必眇代以遠
覽兮夫何狗乎區陳

陸平原集卷之二

晉吳郡陸機士衡著

明閩漳張熒紹和纂

賦

列僊賦

夫何列僊玄妙超攝生乎世表因自然以爲基
仰造化而開道性冲虛以易足年緬邈其難老
爾乃呼翕九陽抱一含元引新吐故雪飲露飡
違品物以長盼妙羣生而爲言爾其嘉會之仇

息宴遊樓則昌客弄玉洛宓江妃觀百化於神
區觀天皇於紫微過太華以息駕越流沙而來
歸

凌霄賦

挾至道之容微狹流俗之紛沮颺余節以遠模
風扶搖而相予削陋跡於分丘省遊僊而投軌
飢情累以遂濟豈時俗之云阻判煙雲之騰躍
半天步而無旅詠凌霄之飄飄永終焉而弗悔
吳蒼煥而運流日月翻其伐序下霄房之靡迄
卜良晨而復舉陟瑤臺以投轡步玉除而容與

幽人賦

世有幽人漁釣乎玄渚彈雲冕以辭世披霄褐
而延佇是以物外莫得窺其奧舉世不足揚其
波勁秋不能雕其葉芳春不能發其華超塵冥
以絕緒豈世網之能加

應嘉賦

友人作嘉遁賦與余者作賦應之號曰應嘉云

傲世公子體逸懷遐意邈澄霄神夷靜波仰羣
軌以遙企頓駿羽以婆娑寄冲氣於大象解心
累於世羅襲三閭之奇服詠南榮之清歌濯下
泉於浚澗泝飢風於卷阿指千秋以厲響俟寂
寞之來和懷前脩之彷彿覲幽人乎所過抱玄
景以獨寐含清風而寤語發蘭音以清唱操玉

懷而喻予於是葺宇中陵築室河曲軌絕千途
而門瞻百族假妙道以達觀考黃龜而貞卜苟
形骸之可忘豈投簪其必谷方介丘於尺阜託
雲林乎一木仲鳴條以招風聆哀音其如玉窮
覽物以盡齒將弭跡於餘足

豪士賦

有序

夫立德之基有常而建功之路不一何則循心以爲量者存乎我因物以成務者繫乎彼存夫我者隆殺止乎其域繫乎物者豐約唯所遭遇落葉俟微風以隕而風之力蓋寡孟嘗遭雍門以泣而琴之感以末何者欲隕之葉無所假烈風將墜之泣不足繁哀響也是故苟時啓於天理盡於民庸夫可以濟聖賢之功斗筭可以定烈士之業故曰才不半古而功也倍之蓋得之

於時勢也歷觀古今徼一時之功而居伊周之位者有矣夫我之自我智士猶嬰其累物之相物昆蟲皆有此情夫以自我之量而挾非常之勲神器暉其顧盼萬物隨其俯仰心玩居常之安耳飽從諛之說豈識乎功在身外任出才表者哉且好榮惡辱有生之所大期忌盈害上鬼神猶且不免人主操其常柄天下服其大節故曰天可讎乎而時有絃服荷戟立乎廟門之下援旗誓衆奮於阡陌之上况乎代主制命自下

裁物者哉廣樹恩不足以敵怨勤興利不足以
補害故曰代大匠斲者必傷其手且夫政由寧
氏忠臣所爲慷慨祭則寡人人主所不久堪是
以君與鞅鞅不悅公旦之舉高平師師側目博
陸之勢而成王不遣嫌客於懷宣帝若負芒刺
於背非其然者歟嗟乎光于四表德莫富焉王
曰叔父親莫昵焉登帝天位功莫厚焉守節沒
齒忠莫至焉而傾側顛沛僅而自全則伊生抱
明允以嬰戮文子懷忠敬而齒劍固其所也因

斯以言夫以篤聖穆親如彼之懿大德至忠如此之盛尙不能取信於人主之懷止謗於衆多之日過此以往惡覩其可安危之理斷可識矣又况乎饗大名以冒道家之忌運短才而易聖哲所難者哉身危由於勢過而不知去勢以求安禍積起於寵盛而不知辭寵以招福見百姓之謀已則申宮警守以崇不畜之威懼萬民之不服則嚴刑峻制以賈傷心之怨然後威窮乎震主而怨行乎上下衆心日陟危機將發而方

偃仰瞪眄謂足以夸世笑古人之未工忘已事
之已拙知曩勲之可矜暗成敗之有會是以事
窮運盡必於顛仆風起塵合而禍至常酷也聖
人忌功名之過已惡寵祿之踰量蓋爲此也夫
惡欲之大端賢愚所共有而游子徇高位於生
前志士思垂名於身後受生之分唯此而已夫
蓋世之業名莫大焉震主之勢位莫盛焉率章
無違欲莫順焉借使伊人頗覽天道知盡不可
益盈難久持超然自引高揖而退則巍巍之盛

仰邈前賢洋洋之風俯冠來籍而大欲不乏於
身至樂無愆乎舊節彌効而德彌廣身愈逸而
名愈劭此之不爲彼之必昧然後河海之迹堙
爲窮流一簣之釁積成山岳名編凶頑之條身
厭荼毒之痛豈不謬哉故聊賦焉庶使百世少
有寤云

世有豪士兮遭國顛沛攝窮運之歸期當衆通
之所會苟時至而理盡譬摧枯而振敗因天地
以運動恒才瓊而功大於是禮極上典服盡暉

崇儀北辰以葦宗實蘭室而桂宮撫玉衡於樞
極運萬物乎掌中伊天道之剛健猶時至而必
訾日罔中而弗旻月何盈而不闕襲覆車之危
軌笑前乘之去穴若知險而退止趨歸蕃而自
戢推璇璣以長謝顧萬物而高揖訖浮雲以邁
志豈咎宏之能集擠爲山以自隕歎禍至於何
及

浮雲賦

有輕虛之艷象無實體之真形原厥本初浮沉
混并六律籥應八風時邁玄陰觸石甘澤霽霽
勢不崇朝覆彼無外若層臺高觀重樓疊閣或
如鐘首之鬱律乍似塞門之寥廓金柯分玉葉
散綠翹明崑英煥鸞翔鳳翥鴻驚鶴奮鯨鯢泝
波鯨鰐衝遁朱絲亂紀羅袿失領飛僊凌虛隨
風遊聘有若芙蓉羣披薺華總會車渠繞理瑪
瑙繹文

白雲賦

據神景於八幽合洪化乎烟熅充宇宙以播象
協元氣而齊勳發憤靈石擢性淇流興曜曾泉
升迹融丘盈八絃以餘憤雖彌天其未泄豈假
期於遷晷遇崇朝而倏忽紅蕖發而齒蓄金翹
援而合葩艸收鬼化弼性違序鳥殊類而比棲
獸異迹而同處蛟引翳而並潛龍攀鴻而雙舉
鸞舞角以軒罷驚企翮而延仲長城曲蜿蜒采閣
相扶聳瑤臺之巖崿構瓊闥之離婁雄虹矯而

垂天翠鳥軒而扶日

鼓吹賦

原鼓吹之伊始蓋稟命於黃軒播威靈於茲樂
亮聖器而成文騁逸氣而憤壯繞煩手乎曲折
舒飄飄以遐洞卷徘徊其如結及其悲唱流音
彷徨依違合歡嚼弄乍數乍稀音躑躅於唇吻
舌將舒而復迴鼓砰砰以輕投簫嘈嘈而微吟
詠悲翁之流思怨高臺之難臨顧穹谷以含哀
仰歸雲而落音節應氣以舒卷響隨風而浮沉
馬頓迹而增鳴士頓憾而霑襟若乃巡郊澤戲

野垌奏君馬詠南城慘巫山之遐險歡芳樹之
可榮

又

宮備衆聲體僚君器飾聲成文彫音作蔚響以
形分曲以和綴放嘉樂於會通宣萬變於觸類
適清響以定奏期要妙於豐會邈拊搏之所管
務憂歷之爲最

漏刻賦

偉聖人之制器妙萬物而爲基形罔隆而弗包
理何遠而不之寸管俯而陰陽效其誠尺表仰
而日月與之期玄鳥懸而八風以情應玉衡立
而天地不能欺旣窮神以盡化又設漏以考時
爾乃挈金壺以南羅藏幽水而北戢擬洪殺於
編鍾順卑高而爲級激懸泉以遠射跨飛途而
遙集伏陰蟲以承波吞恒流其如挹是故來象
神造去猶鬼幻因勢相引乘靈自薦且納胸吐

水無滯咽形微獨璽之緒逝若垂天之電偕四
時以合景指皆明乎無殿籠八極於千分度晝
夜乎一箭抱百刻以駿浮仰胡人而利見夫其
立體也簡而効績也誠其假物也粗而致用也
精積水不過一鐘導流不過一筵而用天者因
其敏分地者賴其平徵聽者假其察貞觀者借
其明考計歷之潛慮測日月之幽情信探賈之
妙術雖無神其若靈

羽扇賦

昔楚襄王會於章臺之上山西與河右諸侯在
焉大夫宋玉唐勒侍皆操白鶴之羽以爲扇諸
侯掩塵尾而笑襄王不悅宋玉趨而進曰敢問
諸侯何笑諸侯曰昔者武王玄覽造扇於前而
五明安衆庶繁於後各有託於方圓蓋受則於
篋甫含茲器而不用顧奚取於鳥羽宋玉曰夫
創始者恒樸而飭終者必妍是故烹飪起於熱
石玉輅基於推輪安衆方而氣散五明圓而風

煩未若茲羽之爲麗固體俊而用鮮彼凌霄之
偉鳥播鮮輝之輕蒨隱九臯以鳳鳴游芳田而
龍見醜靈龜而違期超長年而久眎累懷燁於
美羽挫千載乎一箭委曲體以受制奏雙翅而
爲扇則其布翮也差洪細秩長短稠不逼稀不
簡於是鏤巨獸之齒裁奇水之榦憲靈樸於造
化審貞則而妙觀移圓根於正體因天秩乎舊
貫鳥不能別其是非人莫敢分其真屬翩翩姍姍
以微振風飄飄以垂婉妙自然以爲言故不積

而能散其執手也安其應物也誠其招風也利
其播氣也平混貴賤而一節風無往而不清諸
侯曰魯宋玉遂言曰伊茲羽之駿敏似南箕之
啓扉垂皓曜之奕奕含鮮風之微微襄王仰而
捐節諸侯伏而引非皆委扇於楚庭執鳥羽而
言歸屬唐勒而爲之辭曰

伊鮮禽之合羽夫何翩翩與耿耿反寒暑於一
掌之末迴八風乎六翮之杪

桑賦 有序

皇太子便坐蓋本將軍直廬也初世祖武皇帝
爲中壘將軍植桑一株世更二伐年漸三紀扶
疎豐衍抑有瑰異焉

天何隄樹之洪麗超託居乎紫庭羅萬根以下
洞矯千條而上征豈民黎之能植乃世武之所
管故其形瑰族類體豔衆木黃中爽理滋榮煩
縟綠葉興而盈尺崇條蔓而層尋希太極以延
時映承明而廣臨華飛鶚之流響想鳴鳥之遺

音唯歷數之有紀恒依物以表德豈神明之所
相將我皇之先識誇百世而勿剪超長年以永
膺

辰賦

佳哉辰之爲德邈衆果而莫賢殷中和之淳祐
播滋榮於甫田背芳春以初載迎朱夏而自延
奮脩系之莫莫邁秀颺之綿綿赴廣武以長蔓
粲煙接以雲連感佳時而促節蒙惠露而增鮮
若乃紛數雜錯鬱悅娑娑發彼適此迭相經過
熙朗日以熠燿扇和風其如波有萑藁之覃及
柑椒聊之衆多發金榮於秀翹結玉實於柔柯
蔽翠景以自育綴脩莖而星羅夫其種族類數

則有括萐定桃黃齋曰傳金文密箒小青大斑
玄髡素梳貍首虎蹠東陵出於秦谷桂髓起於
巫山五色比象殊形異端或濟貌以表內或惠
心而醜顏或攄文而抱綠或彼素而懷丹氣洪
細而俱芬體脩短而必圓芳郁烈其充堂味窮
理而不銷德弘濟於飢渴道殷流乎貴賤若夫
濯以寒水淬以夏凌越氣外歛溫液密凝體猶
握虛離若剖冰

鼈賦

有序

皇太子幸于釣臺漁人獻鼈命侍臣作賦

其狀也穹脊連脅玄甲四周遁方圓於規矩徒
廣狹以妨循盈尺而脚寸又取具於指掌鼻嘗
氣而忌脂耳無聽而受響是以棲居多逼出處
寡便尾不副首足不運身於是從容澤畔肆志
汪洋朝戲蘭渚夕息中塘越高波以燕逸竄洪
流而潛藏咀蕙蘭之芳芡翳華藕之垂房